

საქართველოს შინაგან საქმეთა სამინისტროს საპატრულო პოლიციის დეპარტამენტი

შემაკავებელი ორდერების და შემაკავებელი ორდერის ოქმების
შესყიდვა სატენდერო კომისიის სხდომის
ოქმი №1

თბილისი

- 22 - იანვარი 2021 წელი

დღის წესრიგი:

1. სატენდერო პირობებისა და სახელმწიფო შესყიდვების შესახებ ხელშეკრულების პროექტის განხილვა და დამტკიცება.

სატენდერო კომისიის სხდომას ესწრებოდნენ:

კომისიის თავმჯდომარე	–	თამაზ რეხვიაშვილი
კომისიის თავმჯდომარის მოადგილე	–	პაატა ხინთიბიძე
კომისიის წევრები	–	გურამ გალოგრე გიორგი სიყმაშვილი სერგო მოდებაძე
კომისიის აპარატის წევრები	–	დავით გუმბერიძე დავით ზანდარაშვილი ირაკლი წერეთელი მიხეილ ტიშჩენკო უჩა ცუცქირიძე ანა ლაგაზიძე სოფიო ნატრიაშვილი

სატენდერო კომისიის სხდომას ვერ ესწრებოდნენ:

კომისიის წევრი	–	ნიკოლოზ რამაზაშვილი
მოწვეული კონსულტანტი	–	ზურაბ კახნიაშვილი
კომისიის აპარატის წევრი	–	მანუჩარ მანჯავიძე

სატენდერო კომისიამ მოისმინა და განიხილა:

სატენდერო კომისიის აპარატის წევრმა დავით გუმბერიძემ მოახსენა კომისიის წევრებს, რომ შსს საპატრულო პოლიციის დეპარტამენტს 2021 წლისთვის ესაჭიროება შემაკავებელი ორდერების და შემაკავებელი ორდერის ოქმების შეძენა, რასთან დაკავშირებითაც გააცნო სამეურნეო უზრუნველყოფის განყოფილების თანამშრომლების მიერ შემუშავებული შესყიდვის ობიექტის ტექნიკური და ოპტიმალური მახასიათებლები.

შემდეგ სატენდერო კომისიის აპარატის წევრებმა მოახსენეს კომისიას, რომ საქართველოს შინაგან საქმეთა მინისტრის 2015 წლის 01 ოქტომბრის №756 ბრძანების შესაბამისად, შესყიდვის პროცედურის განხორციელებაზე თანხმობის მიღების მიზნით, სატენდერო დოკუმენტაციის პროექტი გადაგზავნილ იქნა შსს ეკონომიკურ დეპარტამენტში, ამასთან, კომისიის წევრებს განსახილველად წარუდგინეს შსს ეკონომიკური დეპარტამენტიდან 2021 წლის 18 იანვარს №78419 სამსახურებრივი ბარათით მიღებული თანხმობა რეკომენდაციების გათვალისწინებით.

სატენდერო კომისიამ განიხილა აღნიშნულ შესყიდვასთან დაკავშირებული საკითხები, გაითვალისწინა შსს ეკონომიკური დეპარტამენტიდან მიღებული რეკომენდაცია და შესყიდვის ობიექტის თავისებურებებიდან გამომდინარე განსაზღვრა ის სატენდერო პირობები, რომლებსაც უნდა აკმაყოფილებდეს შესყიდვის ობიექტი, პრეტენდენტი და მისი ტექნიკური დოკუმენტაცია, ამასთან, კომისიის წევრებმა განაცხადეს:

- დაკორექტირდეს ტენდერის სავარაუდო ღირებულება საქართველოს მთავრობის ადმინისტრაციის რეკომენდაციის შესაბამისად და განისაზღვროს 17 716.00 ლარის ოდენობით.
- სატენდერო დოკუმენტაციით მოთხოვნილ ტექნიკურ პარამეტრებთან შესაბამისობის დადგენის მიზნით აუცილებელია პრეტენდენტის მიერ წარმოდგენილ იქნეს შემოთავაზებული საქონლის ნიმუშები პოზიციების შესაბამისად და მათი წარმოდგენის ვადად განისაზღვროს შემსყიდველის მოთხოვნიდან არაუმეტეს 3 სამუშაო დღე. ამასთან, ვინაიდან შესყიდვის ობიექტის სპეციფიკურობიდან გამომდინარე, შეუძლებელია რიგი ტექნიკური მახასიათებლების ვიზუალური დათვალიერებით დადგენა, წარმოდგენილი ნიმუშები სატენდერო დოკუმენტაციით განსაზღვრულ მოთხოვნებთან შესაბამისობის დადგენის მიზნით შემსყიდველის მიერ გადაგზავნილ იქნას შსს საექსპერტო-კრიმინალისტიკურ დეპარტამენტში.
- საქონლის მიწოდების ვადა განისაზღვროს შემდეგი სახით: ხელშეკრულების ძალაში შესვლის დღიდან 7 სამუშაო დღის განმავლობაში 24 000 ცალი, ხოლო დარჩენილი რაოდენობა 2021 წლის 20 ნოემბრის ჩათვლით შემსყიდველის მოთხოვნიდან 7 სამუშაო დღის განმავლობაში, არაუმეტეს 10 000 ცალი.
- ტენდერში გამარჯვებული ორგანიზაცია ვალდებულია ბეჭდვის დროს ოქმებს მიანიჭოს ნუმერაცია შემსყიდველის მიერ განსაზღვრული თანმიმდევრობის შესაბამისად და მკაცრად დაიცვას მათი რიგითობა მიწოდების დროს.
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც განესაზღვრება არაუმეტეს 3 სამუშაო დღე. ფასწარმოქმნის ადეკვატურობის დასაბუთებლად პრეტენდენტის მიერ წარმოდგენილ უნდა იქნეს ექსპერტიზის ან/და აუდიტის მიერ გაცემული შესაბამისი დასკვნა, რომელშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი.

კომისიის აპარატმა კომისიის წევრების მოსაზრებების გათვალისწინებით შეადგინა სატენდერო პირობები და სახელმწიფო შესყიდვის შესახებ ხელშეკრულების პროექტი, რომელსაც გაეცნენ სატენდერო კომისიის წევრები და მიიღეს გადაწყვეტილება.

სატენდერო კომისიამ დაადგინა:

1. დამტკიცდეს სატენდერო პირობები და სახელმწიფო შესყიდვის შესახებ ხელშეკრულების პროექტი.

2. დაევალოს სატენდერო კომისიის აპარატს, კანონის მოთხოვნების შესაბამისად უზრუნველყოს ერთიან ელექტრონულ სისტემაში აუქციონის გარეშე ელექტრონული ტენდერის (NAT) ჩატარების შესახებ განცხადების გამოქვეყნება, სატენდერო დოკუმენტაციის პირობების ელექტრონული შევსება და სახელმწიფო შესყიდვების შესახებ ხელშეკრულების პროექტის განთავსება.
3. სატენდერო კომისიის მიერ დამტკიცებული სატენდერო პირობებისა და სახელმწიფო შესყიდვის შესახებ ხელშეკრულების პროექტის შესაბამისად შემაკავებელი ორდერების და შემაკავებელი ორდერის ოქმების შესყიდვის მიზნით გამოცხადდეს აუქციონის გარეშე ელექტრონული ტენდერი (NAT).
4. დაევალოს სატენდერო კომისიის აპარატს, უზრუნველყოს სატენდერო კომისიის სხდომის ოქმი №1-ისა და სატენდერო კომისიის მიერ დამტკიცებული სატენდერო მასალის ატვირთვა ერთიან ელექტრონულ სისტემაში.

კომისიის თავმჯდომარე:

თამაზ რეხვიაშვილი




კომისიის თავმჯდომარის მოადგილე:

პაატა ხინთიბიძე



კომისიის წევრები:

გურამ გალოგრე



გიორგი სიყმაშვილი



სერგო მოდებაძე




კომისიის აპარატის წევრები:


დავით გუმბერიძე



დავით ზანდარაშვილი



ირაკლი წერეთელი



მიხეილ ტიშჩენკო




უჩა ცუცქირიძე



ანა ლაგაზიძე



სოფიო ნატრიაშვილი



შესყიდვა დასრულებდა ძირითად დროში. დამატებითი რაუნდები არ გაიმართება

შესყიდვის ტიპი	ელექტრონული ტენდერი აუქციონის გარეშე(NAT)
განცხადების ნომერი	N/A
შესყიდვის სტატუსი	 განცხადების პროექტი
შემსყიდველი	 შსს საპატრულო პოლიციის დეპარტამენტი

დაამატე რჩეულებში

შესყიდვის გამოცხადების თარიღი

წინადადებების მიღება იწყება 24.01.2021 00:00

წინადადებების მიღება მთავრდება 26.01.2021 12:00

დაფინანსება 2021 წლის სახსრები

შესყიდვის სავარაუდო ღირებულება 17`716.00 GEL

წინადადება წარმოდგენილი უნდა იყოს დღგ-ს გათვალისწინებით

კლასიფიკატორის (CPV) კოდი და კლასიფიკატორის დანაყოფი

- 22400000 - მარკები, ჩეკების წიგნაკები, ბანკნოტები, აქციები, სარეკლამო მასალა, კატალოგები და სახელმძღვანელოები

კლასიფიკატორის (CPV) კოდი და შესყიდვის კონკრეტული ობიექტი

- 22450000 - ნაბეჭდი მასალა დამცავი შრეებით

შესყიდვის რაოდენობა ან მოცულობა	მოცემულია სატენდერო დოკუმენტაციაში
მოწოდების ვადა	მოცემულია სატენდერო დოკუმენტაციაში
შეთავაზების ფასის კლების ბიჯი	71.00 GEL
გარანტიის ოდენობა	177 GEL
გარანტიის მოქმედების ვადა	160 დღე
დამატებითი ინფორმაცია	

შემაკავებელი ორდერები და შემაკავებელი ორდერის ოქმები

▼ შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

შემაკავებელი ორდერები და შემაკავებელი ორდერის ოქმები

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

- ტექნიკური დავალება და ესკიზები იხ. მიმზღვი ფაილის სახით.

☐ 1.3 ატვირთეთ ფასების ცხრილი/ხარჯთაღრიცხვა

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

- მიწოდების ვადა: ხელშეკრულების ძალაში შესვლის დღიდან 7 სამუშაო დღის განმავლობაში 24 000 ცალი, ხოლო დარჩენილი რაოდენობა 2021 წლის 20 ნოემბრის ჩათვლით შემსყიდველის მოთხოვნიდან 7 სამუშაო დღის განმავლობაში, არაუმეტეს 10 000 ცალი.

- მოთხოვნა შესაძლებელია განხორციელდეს როგორც წერილობით, ისე ელექტრონული ფოსტის საშუალებით ერთიან ელექტრონულ სისტემაში მიმწოდებლის პროფილში მითითებულ ელექტრონულ ფოსტაზე, ან მიმწოდებლის მიერვე შემსყიდველისთვის მითითებულ სხვა ელექტრონულ ფოსტაზე. მოთხოვნა ასევე შესაძლებელია განხორციელდეს მხარეთა მიერ შეთანხმებული სხვა ნებისმიერი ფორმით.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

- ტენდერში გამარჯვებული ორგანიზაცია ვალდებულია ბეჭდვის დროს ოქმებს (ქვითრებს) მიაწოდოს ნუმერაცია შემსყიდველის მიერ განსაზღვრული თანმიმდევრობის შესაბამისად და მკაცრად დაიცვას მათი რიგიურობა მიწოდების დროს;

- საქონლის მიწოდების ადგილი: ქ. თბილისი, ქიზიყის ქ. N5 - შსს საპატრულო პოლიციის დეპარტამენტის საწყობი.

☐ 1.7 მოითხოვება თუ არა ინფორმაცია საგარანტიო ვადის შესახებ?

არა

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

1.3. პუნქტით გათვალისწინებული ფასების ცხრილის მე-4 გრაფაში მითითებულ უნდა იქნეს ინფორმაცია შემოთავაზებული საქონლის წარმოშობის ქვეყნისა და მწარმოებლის შესახებ.

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐

2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐

2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐

2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐

2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐

2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

არა

☐

2.8 მოითხოვება თუ არა ინფორმაცია ქვეკონტრაქტორის შესახებ?

არა

☐

2.9 სხვა დამატებითი მოთხოვნები (ველის შევსება არ არის სავალდებულო)

დამატებითი მოთხოვნები:

1. შემოთავაზებული საქონლის ფასი უნდა შეიცავდეს მიმწოდებლის ყველა ხარჯს, მათ შორის ტრანსპორტირების ხარჯსა და საქართველოს კანონმდებლობით დადგენილ ყველა გადასახადს.

2. შემოთავაზებული საქონლის საერთო და ერთეულის ფასების წარმოდგენა დასაშვებია მხოლოდ ლარში.

3. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია ერთეულის ღირებულება შეამციროს და დაამრგვალოს მეასედებამდე, შესაბამისად შეამციროს საერთო ღირებულებაც.

4. პრეტენდენტის მიერ შემოთავაზებული საქონლის კონკრეტული დასახელება, საქონლის ტექნიკური მახასიათებლები, წარმოშობის ქვეყანა/მწარმოებელი, ერთეულის ფასი და საერთო ფასი, ასევე ინფორმაცია შემოთავაზებული საქონლის მიწოდების ვადებისა და პირობების შესახებ მითითებულ უნდა იქნეს სატენდერო პირობების 1.3 პუნქტით გათვალისწინებულ დანართ №1-ში ამავე დანართით გათვალისწინებული პირობების

შესაბამისად (დანართი №1 ატვირთულ უნდა იქნეს ერთიან ელექტრონულ სისტემაში);

5. „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე პრეტენდენტები ვალდებული არიან სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შესარულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამით (იხ. ინსტრუქცია შემდეგ ბმულზე: ([http://procurement.gov.ge/getattachment/News/news-\(50\)/eSignature_25-Dec-18.pdf.aspx](http://procurement.gov.ge/getattachment/News/news-(50)/eSignature_25-Dec-18.pdf.aspx)).

თუ აღნიშნული ვალდებულება დროებით/მუდმივად შეჩერებულ/გაუქმებულ იქნა სხვა ნორმატიული აქტით, პრეტენდენტი თავისუფლდება მოცემული პირობისგან. ასეთ შემთხვევაში დოკუმენტზე შესრულებულ უნდა იქნეს ხელმძღვანელის ან სხვა უფლებამოსილი პირის მიერ სველი ხელმოწერა (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში, ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი).

6. შემსყიდველის მიერ მოთხოვნილი ყველა დოკუმენტი ან/და ინფორმაცია პრეტენდენტის მიერ ატვირთულ უნდა იქნეს ერთიან ელექტრონულ სისტემაში; დოკუმენტის უცხოურ ენაზე წარდგენის შემთხვევაში, მას უნდა დაერთოს საქართველოს მოქმედი კანონმდებლობის შესაბამისად დამოწმებული თარგმანი ქართულ ენაზე.

7. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი უნდა იყოს ხელმძღვანელის ან უფლებამოსილი პირის მიერ (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი);

8. შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და საქართველოს მოქმედი კანონმდებლობის შესაბამისად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში;

9. პრეტენდენტს არ აქვს უფლება წარმოადგინოს ალტერნატიული წინადადება.

▼ შესყიდვის ობიექტის ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

კი

☐ 3.1.1 მიუთითეთ ნიმუშთან ან/და ექსპერტიზის დასკვნასთან დაკავშირებული მოთხოვნები

- პრეტენდენტის მიერ წარმოდგენილ უნდა იქნეს შემოთავაზებული საქონლის ნიმუშები პოზიციების შესაბამისად;

- შემოთავაზებული საქონლის ნიმუშები პოზიციების შესაბამისად უნდა შეესაბამებოდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში ასახულ მოთხოვნებსა და პრეტენდენტის მიერ ერთიან ელექტრონულ სისტემაში ატვირთულ ფასების ცხრილში განსაზღვრულ მოთხოვნებს;

- წარმოდგენილი ნიმუშები სატენდერო დოკუმენტაციით განსაზღვრულ მოთხოვნებთან შესაბამისობის დადგენის მიზნით შემსყიდველის მიერ გადაგზავნილ იქნება შსს საექსპერტო-კრიმინალისტიკურ დეპარტამენტში;

- პრეტენდენტის მიერ წარმოდგენილი, შემოთავაზებული საქონლის ნიმუშები დაზუსტებას არ ექვემდებარება;

☐ 3.1.2 მიუთითეთ ნიმუშის ან/და ექსპერტიზის დასკვნის წარმოდგენის ვადა

მოთხოვნიდან 3 სამუშაო დღის ვადაში

☐ 3.1.3 მიუთითეთ ნიმუშის ან/და ექსპერტიზის დასკვნის წარმოდგენის ადგილი

თბილისი ნოე რამიშვილის ქ. N38, საქართველოს შსს საპატრულო პოლიციის დეპარტამენტის ადმინისტრაციული შენობა.

▼ ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

4.1.1.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნეს ექსპერტიზის ან/და აუდიტის მიერ გაცემული შესაბამისი დასკვნა, რომელშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი.

4.1.1.2 ექსპერტიზის დასკვნის წარმოდგენილობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-18 მუხლის მე-6, მე-7 პუნქტებისა და 28-ე მუხლის პირველი, მე-2, მე-3, მე-5, მე-6 და მე-7 პუნქტებით განსაზღვრული წესები.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

▼ სარეგისტრაციო/უფლებრივი მონაცემების ამსახველი დოკუმენტ(ებ)ი

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ ხელშეკრულების შესრულების უზრუნველყოფის გარანტია

☐ 6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

▼ ანგარიშსწორების პირობები

☐

7.1 გამოიყენება თუ არა წინასწარი ანგარიშსწორება?

არა

☐

7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

- ანგარიშსწორება განხორციელდება ფაქტობრივად მიწოდებული შესყიდვის ობიექტის მიხედვით.

- ანგარიშსწორების ვალუტა - ლარი.

- გადახდის ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

☐

7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები (სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება ფაქტობრივად მიწოდებული საქონლის მიხედვით, შესაბამისი „მიღება-ჩაბარების“ აქტ(ებ)ის გაფორმებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.

▼ ხელშეკრულების პროექტი

☐

8.1 ატვირთეთ ხელშეკრულების პროექტი

▼ საკონტაქტო პირის შესახებ ინფორმაცია

☐

9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

დავით გუმბერიძე, 577773045, gumberidze@mia.gov.ge

▼ დამატებითი ინფორმაცია/დოკუმენტები

☐

10.1 დამატებითი ინფორმაცია/დოკუმენტები (ველის შევსება არ არის სავალდებულო)

დამატებითი ინფორმაცია:

- ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობების შესახებ დამატებითი ინფორმაციისა და განმარტებების მოთხოვნა შესაძლებელია სისტემის შესაბამისი მოდულის მეშვეობით ან/და სატენდერო კომისიის აპარატის იმ წევრისგან, რომლის საკონტაქტო ინფორმაციაც მითითებულია სატენდერო დოკუმენტაციის 9.1 პუნქტის ველში;

- შემსყიდველ ორგანიზაციასა და პრეტენდენტს შორის ნებისმიერი მიმოწერა მიმდინარეობს სისტემის შესაბამისი მოდულის მეშვეობით და სისტემის გამოყენების გარეშე მიმოწერა სავალდებულო არ არის. შეტყობინება ოფიციალურად მიღებულად ჩაითვლება მისი სისტემაში ატვირთვის მომენტიდან;

- ელექტრონულად შევსებული სატენდერო დოკუმენტაციის პირობების ველებსა და ატვირთულ დოკუმენტებს შორის წინააღმდეგობის არსებობის შემთხვევაში უპირატესობა ენიჭება სატენდერო დოკუმენტაციის ველებს.

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

ტექნიკური დავალება

№	შესყიდვის ობიექტი	ტექნიკური მახასიათებლები	განზ. ერთ	რ-ობა
1	შემაკავებელი ორდერი (დანართი №1)	I ფენა თვითკოპირებადი ქაღალდი თეთრი, გადამცემი ქაღალდი წონით 55 +/-3% გრ/მ², ბეჭდვა 2X0; II ფენა თვითკოპირებადი ქაღალდი ვარდისფერი, მიმღებგადამცემი ქაღალდი წონით 51 +/-3% გრ/მ². ბეჭდვა 2X0; III ფენა თვითკოპირებადი ქაღალდი მწვანე, მიმღები ქაღალდი წონით 55 +/-3% გრ/მ². ბეჭდვა 2X0; ფურცლის ზომა არანაკლებ 205მმX290მმ, არაუმეტეს 210მმX297მმ; სამივე ფურცელი დაფარული უნდა იყოს გილოშური ბადით. ნუმერაცია არანაკლებ 6 ციფრი (ნუმერაცია უნდა განხორციელდეს შემსყიდველთან შეთანხმებით), ნუმერაცია შესრულებული უნდა იყოს ულტრაიისფერი მანათობელი საღებავით, რომელიც ულტრაიისფერი დანათებისას ანათებს; თერმულად აკინძული, თერმულად აკინძვის რაოდენობა შემსყიდველთან შეთანხმებით. იხ. ესკიზი	ცალი	41200
2	შემაკავებელი ორდერის ოქმი (დანართი №2)	ქაღალდი 80 +/-3% გრ/მ², ოფსეტი, 5 ფურცლიანი; ზომა არანაკლებ 205მმX290მმ, არაუმეტეს 210მმX297მმ; ბეჭდვა 2X2; ფურცლის ორივე გვერდი დაფარული უნდა იყოს გილიოშური ბადით; ნუმერაცია არანაკლებ 6 ციფრი (ნუმერაცია უნდა განხორციელდეს შემსყიდველთან შეთანხმებით), ნუმერაცია შესრულებული უნდა იყოს ულტრაიისფერი მანათობელი საღებავით, რომელიც ულტრაიისფერი დანათებისას ანათებს; თერმულად აკინძული, თერმულად აკინძვის რაოდენობა შემსყიდველთან შეთანხმებით. იხ. ესკიზი	ცალი	41200

**ფასების ცხრილი
დანართი №1**

№	შესყიდვის ობიექტი	ტექნიკური მახასიათებლები	წარმოშობის ქვეყანა/ მწარმოებელი	განზ. ერთ.	რ-ობა	ერთ. ფასი (ლარი)	საერთო ფასი (ლარი)	მიწოდების ვადა	მიწოდების ადგილი
1	2	3	4	5	6	7	8	10	11
1	შემაკავებელი ორდერი (დანართი №1)			ცალი	41200			ხელშეკრულების ძალაში შესვლიდან 7 სამუშაო დღის განმავლობაში 24 000 ცალი, ხოლო დარჩენილი რაოდენობა 2021 წლის 20 ნოემბრის ჩათვლით შემსყიდველის მოთხოვნიდან 7 სამუშაო დღის განმავლობაში არაუმეტეს 10 000 ცალი.	შსს საპატრულო პოლიციის დეპარტამენტის საწყობი, მის: ქ. თბილისი, ქიზიყის ქ. N5
2	შემაკავებელი ორდერის ოქმი (დანართი №2)			ცალი	41200				

აუცილებელი პირობა:

- მოთხოვნა შესაძლებელია განხორციელდეს როგორც წერილობით, ისე ელექტრონული ფოსტის საშუალებით ერთიან ელექტრონულ სისტემაში მიმწოდებლის პროფილში მითითებულ ელექტრონულ ფოსტაზე, ან მიმწოდებლის მიერვე შემსყიდველისთვის მითითებულ სხვა ელექტრონულ ფოსტაზე. მოთხოვნა ასევე შესაძლებელია განხორციელდეს მხარეთა მიერ შეთანხმებული სხვა ნებისმიერი ფორმით.

შენიშვნა:

- მე-3, მე-4, მე-7 და მე-8 გრაფები ივსება პრეტენდენტის მიერ;
- მე-3 გრაფაში მითითებულ უნდა იქნეს შემოთავაზებული საქონლის ტექნიკური მახასიათებლები;
- მე-4 გრაფაში პრეტენდენტის მიერ მითითებულ უნდა იქნეს ინფორმაცია შემოთავაზებული საქონლის წარმოშობის ქვეყნის და მწარმოებლის შესახებ.

პრეტენდენტის ხელმოწერა _____
ბ.ა

/ /
ხელმოწერის სახელი და გვარი

1. შემაკავებელი ორდერის (შემდგომ-ორდერი) გამომცემი თანამდებობის პირის სახელი, გვარი და თანამდებობა _____

2. ორდერის შედგენის თარიღი, დრო (საათი, წუთი) და ადგილი _____

3. ორდერის შედგენის საფუძველი _____

(კონკრეტულად, რაში გამოიხატა ძალადობა)

4. ორდერის მოქმედების ვადა _____

5. მსხვერპლის სახელი, გვარი, დაბადების თარიღი და პირადი ნომერი _____

6. მოძალადის სახელი, გვარი, დაბადების თარიღი და ადგილი, პირადი ნომერი, პროფესია და საცხოვრებელი ადგილი _____

7. ძალადობის ფორმა (გაუსვით ხაზი): ა) ფიზიკური; ბ) ფსიქოლოგიური; გ) ეკონომიკური; დ) სექსუალური; ე) იძულება; ვ) უგულვებლყოფა.

8. „ქალთა მიმართ ძალადობის ან/და ოჯახში ძალადობის აღკვეთის, ძალადობის მსხვერპლთა დაცვისა და დახმარების შესახებ“ საქართველოს კანონის საფუძველზე, ორდერით მოძალადეს განესაზღვროს შემდეგი ვალდებულებები (გაუსვით ხაზი):
ა) მოძალადეს აეკრძალოს იმ სახლთან მიახლოება, სადაც მსხვერპლი ცხოვრობს;

ბ) მოძალადეს აეკრძალოს მსხვერპლთან, მის სამსახურსა და იმ ადგილებთან მიახლოება, სადაც მსხვერპლი იმყოფება;

გ) მოძალადეს აეკრძალოს მსხვერპლთან, ნებისმიერი სახის კომუნიკაცია, მათ შორის, ტელეფონის, სოციალური ქსელისა და სხვა ტექნიკური საშუალებების გამოყენებით;

დ) მოძალადეს აეკრძალოს თანასაკუთრებით ერთპიროვნულად სარგებლობა;

ე) მოძალადეს აეკრძალოს იარაღით (მათ შორის, სამსახურებრივ-სამშატოო იარაღით) სარგებლობა;

ვ) მოძალადეს შეეზღუდოს იარაღით (მათ შორის, სამსახურებრივ-სამშატოო იარაღით) სარგებლობა;

(შეზღუდვის არხი)

ზ) მოძალადეს აეკრძალოს იარაღის შეძენის ნებართვის ან ლიცენზიის მოპოვება;

თ) მოძალადეს ჩამოერთვას პირად საკუთრებაში არსებული იარაღი (მათ შორის, სამსახურებრივ-სამშატოო) და შენახულ იქნეს კანონით დადგენილი წესით;

ი) მოძალადეს დაუნესდეს ელექტრონული ზედამხედველობა;

კ) მოძალადეს დაეკისროს სხვა ღონისძიება, რომელიც აუცილებელია განმეორებითი ძალადობის თავიდან ასაცილებლად.

9. მსხვერპლის დაცვის მიზნით გამოყენებულ იქნეს შემდეგი ღონისძიებები (გაუსვით ხაზი):

ა) მსხვერპლი, მასზე დამოკიდებული პირი განრიდებულ იქნეს მოძალადისაგან;

ბ) მსხვერპლი, მასზე დამოკიდებული პირი მოთავსდეს თავშესაფარში ან კრიზისულ ცენტრში;

გ) არასრულწლოვანი განცალკავდეს მოძალადისაგან;

დ) მოძალადის მიმართ განხორციელდეს ელექტრონული ზედამხედველობა:

☐ დიახ

☐ არა

☐ არა, მსხვერპლის უარის საფუძველზე

ე) სხვა ღონისძიება;

(სხვა ღონისძიება, რომელიც აუცილებელია მსხვერპლის დასაცავად)

10. ორდერით გათვალისწინებული მოთხოვნების შეუსრულებლობის შემთხვევაში მოძალადეს დაეკისრება კანონმდებლობით გათვალისწინებული პასუხისმგებლობა.

11. ორდერი ძალაშია მისი გამოცემისთანავე.

12. ორდერი შედგენილია 3 ეგზემპლარად, რომელთაგან ერთი გამოცემიდან 24 საათის განმავლობაში ეგზავნება/ბარდება მოძალადეს, ერთი - მსხვერპლს, ხოლო ერთი ეგზემპლარი რჩება ორდერის გამომცემ ორგანოში.

13. ორდერის ასლი დაუყოვნებლივ ეგზავნება:

ა) საქართველოს შინაგან საქმეთა სამინისტროს:

ა.ა) ტერიტორიული ორგანოს შესაბამის საუბნო სამსახურს მსხვერპლის საცხოვრებელი ადგილის მიხედვით, ორდერით გათვალისწინებული ვალდებულებების შესრულების მონიტორინგისა და მათ დარღვევაზე რეაგირების მიზნით;

ა.ბ) საინფორმაციო-ანალიტიკურ დეპარტამენტს შესაბამისი ინფორმაციის სათანადო ელექტრონულ მონაცემთა ბაზაში

აღრიცხვის, სამართალდარღვევებზე სწრაფი და ეფექტიანი რეაგირებისა და სტატისტიკური მონაცემების წარმოების მიზნით;

ა.გ) საჯარო სამართლის იურიდიულ პირს - საქართველოს შინაგან საქმეთა სამინისტროს მომსახურების სააგენტოს, თუ ორდერი იარაღთან დაკავშირებულ საკითხებს შეეხება;

ა.დ) საჯარო სამართლის იურიდიულ პირს - საზოგადოებრივი უსაფრთხოების მართვის ცენტრ „112“-ს, თუ ორდერი ითვალისწინებს ელექტრონული ზედამხედველობის განხორციელებას;

ბ) მეურვეობისა და მზრუნველობის შესაბამის ადგილობრივ ორგანოს, თუ ორდერით გათვალისწინებული საკითხი არასრულწლოვანს შეეხება.

14. მსხვერპლმა ან მოძალადემ ორდერი შეიძლება გაასაჩივროს სასამართლოში მისთვის ორდერის გადაცემიდან/ჩაბარებიდან 3 დღის ვადაში.

(მოძალადის ხელმოწერა ორდერის მიღებაზე ან ხელმოწერაზე უარის/ხელმოწერის შეუძლებლობის შემთხვევაში, ხელმოწერაზე უარის თქმის/ხელმოწერის შეუძლებლობის მიზეზი)

(მსხვერპლის ხელმოწერა ორდერის მიღებაზე ან ხელმოწერაზე უარის/ხელმოწერის შეუძლებლობის შემთხვევაში, ხელმოწერაზე უარის თქმის/ხელმოწერის შეუძლებლობის მიზეზი)

(ორდერის შემდგენელი პირის ხელმოწერა)

ოქმის შემდგენელი პირის სახელი, გვარი და თანამდებობა _____

შენიშვნა: ამ ოქმის მიზნებისთვის, ტერმინებში „მოძალადე“ და „მსხვერპლი“, შესაბამისად, იგულისხმება „სავარაუდო მოძალადე“ და „სავარაუდო მსხვერპლი“.
(მოძალადისა და მსხვერპლის სტატუსი განისაზღვრება შემთავებული ორდერით)

2. პირადი ინფორმაცია მსხვერპლის შესახებ

სახელი, გვარი და პირადი ნომერი	
სქესი	
დაბადების თარიღი (რიცხვი/თვე/წელი)	
ფაქტობრივი საცხოვრებელი ადგილი	
განათლება	
სამუშაო ადგილი/სასწავლებელი	
ტელეფონის ნომერი	
მსხვერპლი არის	☐ სოციალურად დაუცველი ☐ ლგბტ+პირი ☐ შშმ პირი ☐ სხვა ქვეყნის მოქალაქე ☐ მოქალაქეობის არმქონე პირი <i>(შენიშვნა: შესაძლებელია რამდენიმე პასუხის მონიშვნა)</i>

3. პირადი ინფორმაცია მოძალადის შესახებ

სახელი, გვარი და პირადი ნომერი	
სქესი	
დაბადების თარიღი (რიცხვი/თვე/წელი)	
ფაქტობრივი საცხოვრებელი ადგილი	
განათლება	
სამუშაო ადგილი/სასწავლებელი	
ტელეფონის ნომერი	
მოძალადე არის	☐ სოციალურად დაუცველი ☐ ლგბტ+პირი ☐ შშმ პირი ☐ სხვა ქვეყნის მოქალაქე ☐ მოქალაქეობის არმქონე პირი <i>(შენიშვნა: შესაძლებელია რამდენიმე პასუხის მონიშვნა)</i>

4. მსხვერპლისა და მოძალადის კავშირი და სხვა ინფორმაცია

მსხვერპლი არის მოძალადის	ოჯახში ძალადობა (მონიშნეთ პასუხი)	☐ დედა ☐ მამა ☐ პაპა ☐ ბებია ☐ მეუღლე ☐ არარეგისტრირებულ ქორწინებაში მყოფი პირი ☐ შვილი (გერი) ☐ მინდობით აღსაზრდელი ☐ მინდობით აღმზრდელი (დედობილი, მამობილი) ☐ დედინაცვალს ☐ მამინაცვალს ☐ შვილიშვილი ☐ და ☐ ძმა ☐ მეუღლის მშობელი ☐ არარეგისტრირებულ ქორწინებაში მყოფი პირის მშობელი ☐ შვილის მეუღლე (მათ შორის, არარეგისტრირებულ ქორწინებაში მყოფი) ☐ ყოფილი მეუღლე ☐ წარსულში არარეგისტრირებულ ქორწინებაში მყოფი პირი ☐ მეურვე ☐ მზრუნველი ☐ მხარდაჭერი ☐ მეურვეობასა და მზრუნველობაში მყოფი პირი ☐ მხარდაჭერის მიმღები ☐ პირი, რომელთანაც მუდმივად ეწევა/ეწეოდა ერთიან საოჯახო მეურნეობას
	ქალთა მიმართ ძალადობა გენდერული დისკრიმინაციის ნიშნით (მონიშნეთ პასუხი)	☐ ინტიმური პარტნიორი ☐ არ არის ოჯახის წევრი, სხვა პირია
მოძალადე და მსხვერპლი ცხოვრობენ ერთად	☐ კი ☐ არა	
მსხვერპლს აღნიშნება დაზიანებები	☐ კი ☐ არა დადებითი პასუხის შემთხვევაში, აღწერეთ დაზიანებები:	
იმყოფება თუ არა მოძალადე ადგილზე (ივსება მხოლოდ იმ შემთხვევაში, როცა პოლიცია გამოცხადდა სავარაუდო ძალადობის ადგილზე)	☐ კი ☐ არა მიუთითეთ, ადგილზე არყოფნის მიზეზი:	
მოძალადე იმყოფება ალკოჰოლური თრობის ქვეშ (აღნიშნული ივსება ალკო-ტესტით შემოწმების შედეგების მიხედვით)	☐ კი ☐ არა ☐ ვერ ხდება შემოწმება	
პოლიციის თანდასწრებით მოძალადე:	☐ მსხვერპლს ემუქრება ჯანმრთელობის დაზიანებით ☐ მსხვერპლს ემუქრება სიცოცხლის მოსპობით ☐ მსხვერპლს აყენებს სიტყვიერ შეურაცხყოფას ☐ იმუქრება თვითდაზიანებით ☐ მიიყენა დაზიანება ☐ იქცევა არაადეკვატურად (შენიშვნა: შესაძლებელია რამდენიმე პასუხის მონიშვნა)	

შენიშვნა:

(ნებისმიერი ინფორმაცია სავარაუდო ძალადობის გარემოებების შესახებ, რის დაფიქსირებასაც პოლიციის თანამშრომელი შეიძენს მიზანშეწონილად).

5. მსხვერპლის მიერ მოწოდებული ინფორმაცია

განმეორებითი ძალადობის რისკების განსასაზღვრად მსხვერპლს უნდა დაესვას შემდეგი კითხვები:	კი	იქნება ელექტრონული მედიაციისთვის დანებისთვის	არა	არ ვიცი/თავს იკავებს პასუხის გაცემისაგან
1. ფიქრობთ, რომ მოძალადე მოგაყენებთ ჯანმრთელობის დაზიანებას, მოგკლავთ, ჯანმრთელობას დაუზიანებს ან მოკლავს თქვენ შვილ(ებ)ს ან/და სხვა ახლობელს? (დადებითი პასუხის შემთხვევაში, მიუთითეთ, რატომ ფიქრობს მსხვერპლი ამგვარად)	3 ☐		0 ☐	0 ☐
2. მოძალადე დაგმუქრებით ჯანმრთელობის დაზიანებით, მოკვლით ან/და ქონების განადგურებით, რამაც თქვენში მუქარის განხორციელების საფუძვლიანი შიში გამოიწვია? (მიუთითეთ, რაში გამოიხატა)	3 ☐		0 ☐	0 ☐
2.1 მოძალადე დაგმუქრებით ჯანმრთელობის დაზიანებით ან/და მოკვლით ცეცხლსასროლი იარაღის, დანის ან სხვა ნივთის (რომელსაც შეეძლო სიცოცხლის ან ჯანმრთელობისათვის საფრთხის შექმნა) გამოყენებით, რამაც თქვენში მუქარის განხორციელების საფუძვლიანი შიში გამოიწვია? (მიუთითეთ, რაში გამოიხატა)		5 ☐	0 ☐	0 ☐
3. მოძალადე გაკონტროლებთ (აკონტროლებს თქვენს გადაადგილებას, კომუნიკაციას, ჩაცმულობას, სხვა პირებთან ურთიერთობას და ა. შ.), რაც თქვენთვის არის არასასურველი და რაც განხორციელდა ორჯერ ან მეტჯერ. (მიუთითეთ, რაში გამოიხატა არასასურველი კონტროლი)	3 ☐		0 ☐	0 ☐

განმეორებითი ძალადობის რისკების განსასაზღვრად მსხვერპლს უნდა დაესვას შემდეგი კითხვები:	კი	იკვება ელექტრონული მედიამსუველობის დაწესებულების	კი	არა	არ ვიცი/თავს იკავებს პასუხის გაცემისათვის
4. მოძალადე თქვენთან ამყარებს არასასურველ კომუნიკაციას პირადად ან მესამე პირის მეშვეობით, გითვალთვალებთ, ცხადდება თქვენს საცხოვრებელ ან/და სამუშაო ადგილთან, ხშირად გიგზავნიან შეტყობინებებს და ა. შ. ? (მიუთითეთ, რაში გამოიხატა)	3		0	0	
	☐		☐	☐	
4.1 იგივე ქმედება, რამაც ცხოვრების წესის მნიშვნელოვნად შეცვლა გაიძულებს ან მისი მნიშვნელოვნად შეცვლის რეალური საჭიროება შეგიქმნათ. (მიუთითეთ, რაში გამოიხატა)	5		0	0	
	☐		☐	☐	
5. მოძალადეს განუხორციელებია თვითმკვლელობის მცდელობა ან დაგმუქრებით, რომ თვითმკვლელობას ჩაიდენდა? (მიუთითეთ, რაში გამოიხატა)	1		0	0	
	☐		☐	☐	
6. მსხვერპლთან ერთად ცხოვრობს არასრულწლოვანი? (რამდენი და რა ასაკის? თუ რომელიმე მოძალადის არაბიოლოგიური შვილია, მიუთითეთ)	1		0	0	
	☐		☐	☐	
7. მოძალადე მიდრეკილია ალკოჰოლური, ნარკოტიკული საშუალების მოხმარებისკენ ან/და აზარტული თამაშებისადმი? (შენიშვნა: გაუსვით ხაზი ყველა მათგანს, რომელიც სახეზეა)	1		0	0	
	☐		☐	☐	

განმეორებითი ძალადობის რისკების განსაზღვრად მსხვერპლს უნდა დაესვას შემდეგი კითხვები:	კი	ივსება ელექტრონული გეომახვიდვილობის დანესეისთვის	არა	არ ვიცო/თავს იკავებს პასუხის გაცემისაგან
8. მოძალადეს აქვს ფსიქიკურ ჯანმრთელობასთან დაკავშირებული პრობლემები?	1 ☐		0 ☐	0 ☐
9. მოძალადეს ხელი მიუწვდება ცეცხლსასროლ იარაღზე? (მიუთითეთ, რატომ ფიქრობს ასე)	1 ☐		0 ☐	0 ☐
10. მოძალადემ შეგიზღუდათ შრომის უფლება ან შეგიზღუდათ წვდომა საკუთრებაზე, თანხაზე, საკვებზე ან/და ოჯახში არსებულ სხვა რესურსებზე? (მიუთითეთ, რაში გამოიხატება შეზღუდვა)	1 ☐		0 ☐	0 ☐
11. მოძალადე უგულებელყოფს არასრულწლოვნის ფიზიკურ და ფსიქოლოგიურ საჭიროებებს (ბავშვს არ იცავს საფრთხისაგან, ბავშვი არ დადის სკოლაში, არ აქვს ასაკის შესაბამისი დოკუმენტაცია, არ უზრუნველყოფს აუცილებელი სამედიცინო მომსახურებით, ჰიგიენის დაცვით, საკვებით, სეზონის შესაბამისი ტანსაცმლით, არ ასრულებს მშობლისათვის დაკისრებულ სხვა მოვალეობას). (მიუთითეთ, რაში გამოიხატება უგულებელყოფა)	1 ☐		0 ☐	0 ☐
(შენიშვნა: ივსება, როდესაც მსხვერპლი არის არასრულწლოვანი)				
12. მოძალადემ მოგაყენათ შეურაცხყოფა, დაგამანტაჟათ ან/და დაგამცირათ? (მიუთითეთ, რაში გამოიხატა)	1 ☐		0 ☐	0 ☐

განმეორებითი ძალადობის რისკების განსაზღვრად მსხვერპლს უნდა დაესვას შემდეგი კითხვები:	კი	იკვება ელექტრონული ზედამხედველობის დანერგვისთვის	არა	არ ვიცი/თავს იკავებს პასუხის გაცემისათვის
13. მოძალადემ თქვენზე ფიზიკურად იძალადა?	3		0	0
• ერთჯერადად	☐		☐	☐
• მოძალადემ თქვენ მიმართ ორსულობის დროს განახორციელა ფიზიკური ძალადობა (მიუთითეთ, როდის განხორციელდა ძალადობა და რაში გამოიხატა იგი)	3		0	0
☐			☐	☐
.....				
.....				
.....				
.....				
.....				
.....				
.....				
13.1 იგივე ქმედება განახორციელა მრავალჯერადად (ორჯერ ან მეტჯერ)? (მიუთითეთ, როდის განხორციელდა ძალადობა და რაში გამოიხატა იგი)		5	0	0
☐		☐	☐	☐
.....				
.....				
.....				
.....				
.....				
.....				
.....				
.....				
13.2 მოძალადემ თქვენზე ფიზიკური ძალადობისას გამოიყენა ცეცხლსასროლი იარაღი, დანა ან სხვა ნივთი, რომელსაც შეეძლო სიცოცხლის ან ჯანმრთელობისათვის საფრთხის შექმნა.		5	0	0
☐		☐	☐	☐
.....				
.....				
.....				
.....				
.....				
.....				
.....				
.....				
14. მოძალადემ გაიძულათ ან/და თქვენ მიმართ განახორციელა სექსუალური ხასიათის არასასურველი ქმედება?	3		0	0
(მიუთითეთ, რაში გამოიხატა)	☐		☐	☐
.....				
.....				
.....				
.....				
.....				
.....				
.....				
.....				

განმეორებითი ძალადობის რისკების განსასაზღვრად მსხვერპლს უნდა დაესვას შემდეგი კითხვები:	კი	ივსება ელექტრონული მედიამხედველობის დანერგვისთვის	არა	არ ვიცი/თავს იკავებს პასუხის გაცემისაგან
15. მოძალადემ გადაგიკეტათ სასუნთქი გზები/შეეცადა თქვენს გაგუდვას, რასაც შეეძლო სიცოცხლის ან ჯანმრთელობისათვის საფრთხის შექმნა? <i>(მიუთითეთ, რამი გამოიხატა)</i>		3 ☐	0 ☐	0 ☐

ვადასტურებ ჩემ მიერ მოწოდებულ ინფორმაციას:

(მსხვერპლის ხელმოწერა)

ვესწრებოდი:

(სხვა მოწმის (თარჯიმანი, გარეშე პირი, კანონიერი/საპროცესო წარმომადგენელი) ხელმოწერა)

6. ძალადობის ფორმა

☐ ფიზიკური
☐ ფსიქოლოგიური
☐ ეკონომიკური

☐ სექსუალური
☐ იძულება

☐ არასრულწლოვნის კანონიერი ინტერესების უგულებელყოფა

☐ ძალადობისას იკვეთება გენდერული დისკრიმინაციის ნიშანი

შენიშვნა: შესაძლებელია რამდენიმე პასუხის მონიშვნა

7. პირველადი ინფორმაცია მოძალადის წარსულის შესახებ

აღნიშნულ ინფორმაციას პოლიციის თანამშრომელი ასახავს შევსების დროს საინფორმაციო ბაზებში არსებული მონაცემების საფუძველზე	კი	იკვება ელექტრონული ზედამხედველობის დაწესებულების კი	არა	ვერ დგინდება
16. მოძალადის მიმართ იყო/არის გამოცემული შემაკავებელი ან დამცავი ორდერი ამავე ან სხვა მსხვერპლის მიმართ (გაუსვით ხაზი). <i>(მიეთითოს ინფორმაცია თითოეული მათგანის შესახებ (მაგ.: გამოცემულია ორდერი 2018 წლის 5 მარტს))</i>	3 ☐		0 ☐	0 ☐
17. ფიქსირდება თუ არა მოძალადის მიერ შემაკავებელი ან დამცავი ორდერის დარღვევის შესახებ ინფორმაცია. <i>(მიეთითოს ინფორმაცია თითოეული მათგანის შესახებ (დარღვევის სახე და თარიღი. მაგ.: 2018 წლის 5 მარტს მოძალადე გამოცხადდა მსხვერპლის საცხოვრებელ ადგილზე))</i>		5 ☐	0 ☐	0 ☐
18. მოძალადის მიერ წარსულში ჩადენილი ძალადობრივი დანაშაული. <i>(მიეთითოს ინფორმაცია თითოეული მათგანის შესახებ (თარიღი და დანაშაულის სახე, მაგ.: მოძალადეს 2017 წელს ჩადენილი აქვს სისხლის სამართლის კოდექსის 117-ე მუხლით გათვალისწინებული დანაშაული - ჯანმრთელობის მძიმე დაზიანება))</i>		3 ☐	0 ☐	0 ☐
19. მოძალადეს რეგისტრირებული აქვს ცეცხლსასროლი იარაღი. <i>(მიეთითოს ინფორმაცია იარაღის შესახებ)</i>	1 ☐		0 ☐	0 ☐

შემაკავებელი ორდერის გამოცემის მიზნებისთვის იკრიბება ყველა (მათ შორის, ელექტრონული ზედამხედველობის დაწესებულების) გრაფის დადებითი პასუხის ქულა.

შემაჯავებელი ორდერის გამოცემის შესახებ მიღებული გადაწყვეტილება:

- ☐ გამოიცეს შემაჯავებელი ორდერი¹ (შემაჯავებელი ორდერის გამოცემა სავალდებულოა, თუ ქულათა რაოდენობამ შეადგინა მინიმუმ 5 (ხუთი));
- ☐ არ გამოიცეს შემაჯავებელი ორდერი;
- ☐ შემაჯავებელი ორდერი გამოიცა სისხლის სამართლის № საქმეზე გამოძიების დაწყების/ მიმდინარეობის პროცესში.

ელექტრონული ზედამხედველობისთვის იკრებება მხოლოდ ელექტრონული ზედამხედველობის დაწესებისთვის სვეტით გათვალისწინებული ქულები.

ქულათა ჯამი

ელექტრონული ზედამხედველობის დაწესებასთან დაკავშირებული გადაწყვეტილება:

- ☐ შემაჯავებელი ორდერის შემდგენელის გადაწყვეტილებით, დაწესდეს ელექტრონული ზედამხედველობა, თუ მსხვერპლი აცხადებს თანხმობას და ქულათა რაოდენობამ შეადგინა 10-დან 15 ქულამდე (მსხვერპლის პოზიცია ფიქსირდება დანართი №3-ზე ხელმოწერით);
- ☐ შემაჯავებელი ორდერის შემდგენელის გადაწყვეტილებით, არ დაწესდეს ელექტრონული ზედამხედველობა, მიუხედავად იმისა, რომ მსხვერპლი თანახმაა და ქულათა რაოდენობამ შეადგინა 10-დან 15-მდე (მსხვერპლის პოზიცია ფიქსირდება დანართი №3-ზე ხელმოწერით);
- ☐ დაწესდეს ელექტრონული ზედამხედველობა (მოძალადის მიმართ ელექტრონული ზედამხედველობა სავალდებულოა, თუ ქულათა რაოდენობამ შეადგინა 15 ან მეტი და მსხვერპლი აცხადებს თანხმობას (მსხვერპლის პოზიცია ფიქსირდება დანართი №3-ზე ხელმოწერით));
- ☐ ელექტრონული ზედამხედველობა არ განხორციელდეს ქულათა არასაკმარისი (10-ზე ნაკლები) რაოდენობის გამო;
- ☐ მსხვერპლის თანხმობის არარსებობის გამო, არ დაწესდეს ელექტრონული ზედამხედველობა (მსხვერპლის პოზიცია ფიქსირდება დანართი №3-ზე ხელმოწერით).

შენიშვნა:

- იმ შემთხვევაში, თუ ქულათა რაოდენობა საკმარისია ელექტრონული ზედამხედველობის დაწესებისთვის, მსხვერპლის პოზიციის დასაფიქსირებლად, სავალდებულოა დანართი №3-ის შევსება.
- ელექტრონული ზედამხედველობა შეჩერდება, თუ მოძალადე დაკავებულია.

ოქმის შემდგენელი პირის ხელმოწერა:

(ოქმის შემდგენელი პირის ხელმოწერით დამოწმებული ოქმის ასლი წარედგინება ზედამხედველ პროკურორს)

¹ თუ დადებითი პასუხების ქულათა ჯამი არის 5-ზე ნაკლები, ოქმის შემდგენელი პირი უფლებამოსილია გამოსცეს შემაჯავებელი ორდერი ინდივიდუალური გარემოებების გათვალისწინებით.

სახელმწიფო შესყიდვების შესახებ ხელშეკრულების პროექტი

ხელშეკრულება შედგენილია თბილისში 2021 წლის -----, ძალაში შედის მხარეთა უფლებამოსილი წარმომადგენლების მხრიდან მისი კვალიფიციური ელექტრონული ხელმოწერის/კვალიფიციური ელექტრონული შტამპით დამოწმების დღიდან და მოქმედებს 2021 წლის 31 დეკემბრის ჩათვლით.

წინამდებარე ხელშეკრულება გაფორმებულია NAT----- აუქციონის გარეშე ელექტრონული ტენდერის საფუძველზე.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები:

შემსყიდველი: შსს საპატრულო პოლიციის დეპარტამენტი ს/კ 205041177, საფინანსო-სამეურნეო უზრუნველყოფის სამმართველოს უფროსის მოვალეობის შემსრულებლის პაატა ხინთიბიძის სახით.

მისამართი: თბილისი, ნოე რამიშვილის ქ. №38. ტელ: 241 87 13;

საბანკო რეკვიზიტები: ა/ა GE24NB0330100200165022, „საქართველოს სახ. ხაზინა“, კოდი TRESGE22.

მიმწოდებელი: შპს „---“; ს/კ -----; ხელმძღვანელი: -----;

მისამართი: -----; ტელ: ----- ელ.ფოსტა: -----;

საბანკო რეკვიზიტები: სს „-----“, კოდი: -----,

ა/ა -----.

3. ხელშეკრულების საგანი

3.1. ხელშეკრულების საგანს წარმოადგენს:

შემაკავებელი ორდერები და შემაკავებელი ორდერის ოქმები (CPV - 22450000)

(საქონლის მოკლე აღწერა)

- 3.2. საქონლის კონკრეტული დასახელება, ტექნიკური მახასიათებლები, მწარმოებელი ქვეყანა და რაოდენობა მოცემულია დანართ №1-ში.
- 3.3. 3.1 პუნქტით გათვალისწინებული საქონელი უნდა აკმაყოფილებდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობებსა და ხელშეკრულების პირობებს, ამასთან, შესაბამისობაში უნდა იყოს ტექნიკურ დავალებასა და ფასების ცხრილში (დანართი №1) მოყვანილ ტექნიკურ მახასიათებლებთან, ამასთან აღნიშნულ შესყიდვასთან დაკავშირებულ მიმწოდებლის მიერ წარმოდგენილ ნიმუშთან.
- 3.4. მიმწოდებელი ვალდებულია მიაწოდოს „შემსყიდველს“ ხელშეკრულების 3.1. პუნქტით გათვალისწინებული საქონელი ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და ხელშეკრულების პირობების, ასევე ფასების ცხრილით განსაზღვრული პირობების შესაბამისად.

4. ხელშეკრულების ფასი

4.1. ხელშეკრულების ფასი შეადგენს:

(თანხა ციფრებით და სიტყვიერად)

- 4.2. მოსაწოდებელი საქონლის ერთეულის ფასი და საერთო ფასი მოყვანილია დანართ №1-ში.
- 4.3. საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯს, მათ შორის ტრანსპორტირებისა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და „შემსყიდველის“ საკუთრებაში გადაცემასთან დანართ №1-ში მითითებულ მისამართზე.
- 4.4. „შემსყიდველი“ იღებს ვალდებულებას აუნაზღაუროს „მომწოდებელს“ ხელშეკრულების ფასი ხელშეკრულებით განსაზღვრულ ვადებში და ფორმით.
- 4.5. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 4.6. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს თავდაპირველად დადებული ხელშეკრულების ღირებულების 10%-ს.

5. ხარისხი

მიმწოდებელი იძლევა გარანტიას, რომ მის მიერ მიწოდებული საქონელი არ იქნება ექსპლუატაციაში ნამყოფი, არ იქნება დაზიანებული, არ გამოავლენს ხარვეზებს და იქნება მოხმარებისთვის ვარგისი, ამასთან, სრულ შესაბამისობაში მოვა 3.3 პუნქტით გათვალისწინებულ მოთხოვნებთან, ასევე აღნიშნულ შესყიდვასთან დაკავშირებით მიმწოდებლის მიერ წარმოდგენილ ნიმუშებთან. წინააღმდეგ შემთხვევაში, იგი ვალდებულია საკუთარი სახსრებით თავად უზრუნველყოს აღმოჩენილი დაზიანებული, უვარგისი ან/და წუნდებული საქონლის შეცვლა ახლით შეტყობინების მიღებიდან 10 სამუშაო დღის ვადაში.

6. მიწოდების წესი

- 6.1. საქონლის მიწოდებას უზრუნველყოფს „მიმწოდებელი“ საკუთარი ხარჯებით, ხელშეკრულების გაფორმების შემდეგ დანართ №1-ში მითითებული ვადებისა და პირობების შესაბამისად.
- 6.2. „მიმწოდებელი“ ვალდებულია უზრუნველყოს მისაწოდებელი საქონლის უსაფრთხოება და არ დაამზადოს იგი მესამე პირისთვის გადასაცემად ან/და სხვა მიზნებისთვის.
- 6.3. „მიმწოდებელი“ ვალდებულია ბეჭდვის დროს ოქმებს (ქვითრებს) მიაწოდოს ნუმერაცია შემსყიდველის მიერ განსაზღვრული თანმიმდევრობის შესაბამისად და მკაცრად დაიცვას მათი რიგითობა საქონლის მიწოდების დროს.
- 6.4. „მიმწოდებელი“ ვალდებულია საქონლის მიწოდებისას უზრუნველყოს საქართველოს კანონმდებლობით გათვალისწინებული თანმხლები დოკუმენტაციის სრულად წარმოდგენა.
- 6.5. „მიმწოდებლის“ მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე „შემსყიდველის“ მხრიდან ინსპექტირებას განახორციელებს შსს საპატრულო პოლიციის დეპარტამენტის საფინანსო-სამეურნეო უზრუნველყოფის სამმართველოს სამეურნეო უზრუნველყოფის განყოფილება, რომელიც უფლებამოსილია კონტროლი განახორციელოს, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში, ხოლო მიმწოდებელი ვალდებულია ხელი შეუწყოს მას ინსპექტირების ჩატარებისას და მიაწოდოს ყველა საჭირო დოკუმენტი შემსყიდველის მოთხოვნათა შესაბამისად.
- 6.6. „შემსყიდველი“ უფლებამოსილია, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში განაცხადოს უარი დაგვიანებით მიწოდებული, ან უხარისხო (წუნებული), ან არასრული თანმხლები დოკუმენტაციის მქონე საქონლის პარტიის მიღებაზე.
- 6.7. საქონლის გადაცემა დასტურდება ორივე მხარის მიერ მიღება-ჩაბარების აქტზე ხელის მოწერით.
- 6.8. „მიმწოდებელი“ ვალდებულია გადასცეს „შემსყიდველს“ უფლებრივად და ნივთობრივად უნაკლო საქონელი.

7. ანგარიშსწორების წესი

- 7.1. ანგარიშსწორება მიმწოდებელთან განხორციელდება ფაქტობრივად მოწოდებული შესყიდვის ობიექტის მიხედვით, საქონლის მიწოდების შემდეგ შესაბამისი მიღება-ჩაბარების აქტ(ებ)ისა და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.
- 7.2. ანგარიშსწორების ვალუტა - ლარი.
- 7.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 7.4. 7.1 პუნქტის შესრულებისათვის, წარმოდგენილი დოკუმენტაციის სისრულეზე და რეალობაზე პასუხისმგებელია 6.3 პუნქტში მითითებული განყოფილება.

8. მხარეთა პასუხისმგებლობა

- 8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.

- 8.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების **1%-ის** ოდენობით.
- 8.3. ხელშეკრულებით ნაკისრი ვალდებულებების შესრულების (საქონლის მიწოდების ვადა) ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების **0.50%-ის** ოდენობით.
- 8.4. ხელშეკრულებით ნაკისრი ვალდებულებების, კერძოდ, საქონლის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების **0.50%-ის** ოდენობით.
- 8.5. მიმწოდებლის მიზეზით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების **5%-ის** ოდენობით (იმ შემთხვევაში, თუ მიმწოდებლის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების **10%-ის** ოდენობით).
- 8.6. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ხელშეკრულების მე-2 პუნქტში მითითებულ ელექტონულ ფოსტაზე შეტყობინების გადაგზავნიდან არაუგვიანეს 1 (ერთი) თვის ვადაში. აღნიშნულ ვადაში ჯარიმის გადაუხდელობის შემთხვევაში შემსყიდველი უფლებამოსილია მიმართოს კანონით გათვალისწინებულ ღონისძიებებს.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში – ხელშეკრულების შესრულების უზრუნველყოფის გარანტიის დაუბრუნებლობას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვევულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 9.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. სხვა პირობები

- 10.1. მხარეთა შორის სადავო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.
- 10.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 10.3. თუ რომელიმე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას, ან არაჯეროვნად ასრულებს მათ, მეორე მხარე უფლებამოსილია მოშალოს ეს ხელშეკრულება ცალმხრივად, რაზედაც მხარემ უნდა შეატყობინოს მეორე მხარეს 10 დღით ადრე.
- 10.4. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:
 - ა) გარდა საქონლის მიწოდების ვადების ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისა, მიმწოდებლის მხრიდან დაფიქსირდება ხელშეკრულების სხვა ნებისმიერი პირობის დარღვევის 5 ან მეტი ფაქტი;
 - ბ) მიმწოდებლის მიერ საქონლის მიწოდების ვადის ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისთვის დაკისრებული პირგასამტეხლობის ჯამური ოდენობა მიაღწევს 7%-ს;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.
- 10.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 10.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 10.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:
